

名醫方論人

方目

猪苓湯

五苓散

桂枝去芍藥加茯苓白朮湯

十棗湯

大承氣湯

小承氣湯

調胃承氣湯

更衣丸

麻仁丸

桃仁承氣湯

抵當湯丸

梔子豉湯

瓜蒂散

小陷胸湯

大陷胸湯

三物白散

大黃連瀉心湯

附子瀉心湯

甘草瀉心湯

生姜瀉心湯

半夏瀉心湯

旋覆代赭石湯

麻黃連軀小豆湯

梔子柏皮湯

茵陳蒿湯

小柴胡湯

大柴胡湯

柴胡桂枝湯

黃芩湯

黃連湯

黃連阿膠湯

理中湯丸

乾姜附子湯

茯苓四逆湯

附子湯

四逆湯

真武湯

吳茱萸湯

通脈四逆湯

當歸四逆湯

烏梅丸

白通湯

當歸四逆加吳茱萸生姜湯

赤石脂禹糧湯

白頭翁湯

白通加豬胆汁湯

刪補名醫方論

豬苓湯

治陽明病脉浮發熱渴欲飲水少陰病下利六七日欬而嘔渴

心煩不得眠者

豬苓去皮

茯苓

阿膠

滑石

澤瀉各二兩

石

五味以水四升先煮四味取二升去滓內下阿膠烱消溫服七合日三

服

趙羽皇曰仲景製豬苓一湯以行陽明少陰二經水熱然其旨全

在益陰不專利水蓋傷寒表虛最忌亡陽而裏熱又在亡陰亡陰者亡

腎中之陰與胃家之津液也故陰虛之人不但大便不可輕動即小便

亦忌下通蓋陰虛過於滲利則津液反致耗竭方中阿膠質膠養陰而

滋燥滑石性滑去熱而利水佐以二苓之滲瀉既疏濁熱而不留其痰

壅六潤真陰而不苦其枯燥是利水而不傷陰之善劑也故太陽利水

豬苓湯

一

用五苓者以太陽職司寒水故加桂以溫之是煖腎以行水也陽明少陰之用猪苓以二經兩瀉津液特用阿膠滑石以潤之是滋養無形以行有形也利水雖同寒溫迥別惟明者知之

五苓散附茵陳五苓散 治脉浮小便不利熱微消渴者發汗已脉浮數

煩渴者中風發熱六七日不解而煩有表裡症渴欲飲水入則吐者

茯苓十六銖

猪苓十八銖

白朮十六銖

澤瀉一兩

桂半兩

石五味

為散以白飲和服方寸匕日三服多服煖水汗出愈是方也乃太陽

邪熱入府水氣不化膀胱表裡藥也一治水逆水入則吐一治消渴水

入則消夫膀胱者津液之府氣化則能出矣邪熱入之若水盛則水壅

不化而水蓄於上膀胱之氣化不行致小便不利也若熱盛則水為熱

耗而水消於上。膀胱之津液告竭。致小便不利也。水入吐者。是水盛於熱也。水入消者。是熱盛於水也。二症皆小便不利。故均得而主之。然小便利者。不可用。恐重傷津液也。由此可知五苓散。非治水熱之專劑。乃治水熱小便不利之主方也。君澤瀉之鹹寒。鹹走水府。寒勝熱邪。佐二苓之淡滲。通調水道。下輸膀胱。並瀉水熱也。用白朮之燥濕健脾。助土為之隄防。以制水也。用桂之辛溫。宣通陽氣。蒸化三焦。以行水也。澤瀉得二苓。下降利水之功倍。小便利而水不蓄矣。白朮須桂上升通陽之效。捷氣騰津化渴自止也。若發熱表不解。以桂易桂枝。服後多服暖水。令汗出愈。是此方不止治停水小便不利之裏。而猶解停水發熱之表也。加入參名春澤湯。其意專在助氣化以生津。加茵陳名茵陳五苓散。五苓散桂枝去芍藥加茯苓白朮湯。

治濕熱發黃。表裡不寔。小便不利者。無不克也。

桂枝去芍藥加茯苓白朮湯。治服桂枝湯或下之。仍頭項強痛。翕翕發

熱。無汗。心下滿微痛。小便不利者。桂枝去芍藥加茯苓白朮湯主之。

此方即於桂枝湯內去芍藥加茯苓白朮各三兩。餘依桂枝湯法煎服。

小便利則愈。

服桂枝湯已汗也。

或下之已下也。

今仍有頭項強痛。翕

發熱。無汗之表。

心下滿微痛。小便不利。

停飲之裏。無汗表不解。

心下

有水氣。當用小青龍汗之。今無汗。表不解。有水氣。心下滿微痛。小便不

利。而不用小青龍者。以其已經汗下。表裡俱霍也。故仍用桂枝湯以解

表。去芍藥之酸收。避無汗心下之滿。加茯苓之燥滲。因水停。小便不利

也。餘依桂枝湯法煎服。謂依桂枝湯法取汗也。小便利則愈。謂飲病輸

水道則愈也。此方即桂苓甘朮湯。而有生姜大棗。其意專在解肌利水。次之。故用生姜大棗。佐桂枝以通津液取汗也。桂枝枝甘朮湯不用生姜大棗。而加茯苓。其意專在利水。扶陽次之。故倍加茯苓。君桂枝於利水中扶陽也。故方後不曰依服桂枝湯法也。

十棗湯 治太陽中風表解熱汗出而不惡寒裏有水氣小便不利嘔

逆短氣心下至脇痞滿鞭痛者此治水之急方也 大棗擘十枚 甘遂

大戟 芫花熬各等分 右三味各別搗為散以水一升半先煮大棗肥

者十枚取八合去滓內葯末強人一錢羸人服半錢平旦溫服若下少

病不除者明日再服加半錢得快下後糜粥自養 柯琴曰仲景治水

之方種不同此其最峻者也凡水氣為患或喘或欬或悸或噎或吐

或利。病在一處而止。此則水邪留結於中心腹脇下。痞滿鞭痛。三焦升降之氣。阻隔難通。此時表邪已罷。非汗散之法所宜。裏飲寔盛。又非淡滲之品所能勝。非選逐水至峻之品以折之。則中氣不支。束手待斃矣。甘遂芫花大戟三味。皆辛苦氣寒。而稟性最毒。併舉而用之。氣味相濟相須。故可夾攻水邪之巢穴。決其瀆而大下之。一舉而患可平也。然邪之所湊。其氣必震。以毒藥攻邪。必傷及脾胃。使無沖和甘緩之品為主宰。則邪氣盡而大命亦隨之矣。然此藥最毒。參朮所不能君。甘草又與之相反。故選十棗之大而肥者以君之。一以顧脾胃。一以緩其峻毒。得快利後。糜粥自養。一以使穀氣內充。一以使邪不復作。此仲景用毒攻痛之法。盡善又盡善也。昧者惑於甘能中滿之說。而不敢用。豈知承制

之理乎。

大承氣湯

治陽明病潮熱手足濇然汗出譫語汗出多胃燥独語如見

鬼狀喘冒不能卧腹滿痛脉滑寔又目中不了了睛不和又少陰病初

得之口燥咽乾者自利清水色純青心下痛口燥舌乾者六七日腹脹

不大便者

大黃

四兩酒洗

厚朴

半斤

枳實

五枚

芒硝

三合

右四

味以水一斗先煮二物取五升內大黃煮取二升去滓內芒硝再上火

微煮一二沸分溫再服得下即停後服

小承氣湯

大黃

四兩

厚朴

二兩

炙

枳實

三枚

右三味以水四升

煮取一升二合去滓分溫三服初服湯當大便秘不爾再服以利為度得

便即止服

柯琴曰諸病皆因於氣穢物之不去由於氣之不順也故

大承氣湯

小承氣湯

攻積之劑必用氣分之藥。因以承氣名湯。方分大小者。有二義焉。厚朴倍大黃。是氣藥為君。名大承氣。大黃倍厚朴。是氣藥為臣。名小承氣。味多性猛。制大其服。欲令大泄下也。因名曰大。味寡性緩。制小其服。欲微和胃氣也。因名曰小。且煎法更有妙義。大承氣用水一斗。煮枳朴取五升。去滓。內大黃。再煎取二升。內芒硝。何哉。蓋生者氣銳而先行。熟者氣純而和緩。仲景欲使芒硝先化。燥屎大黃。繼通地道。而後枳朴除其痞滿。若小承氣以三味同煎。不分次第。同一大黃。而煎法不同。此可見仲景微和之意也。喻昌曰。金匱治瘧為病。胸滿口噤。臥不著席。腳掣急。必斷齒。可與大承氣湯。乃死中求生之法也。靈樞謂熱而瘧者死。腰折瘕瘕。齒斷也。蘇所云臥不著席。即腰折之受文。腳掣急。即瘕瘕之變文。

且斷齒加以胸滿口噤。上中下三焦熱邪充斥。死不旋踵矣。在傷寒症。腹滿可下。胸滿則不可下。然投是湯者。須知所謂胸滿。謂其邪尚在表。故不可下。此症入裏之熱極深極重。匪可比倫。况陽熱深極。陰血立至。消亡即小。下之尚不足以勝其陽。救其陰。故取此湯以承領其一綫之陰氣。陰氣不盡為陽熱所劫。因而得生者多矣。可與二字甚活。臨症酌而用之。初非定法也。既有下之重傷其陰之大戒。復有下之急救其陰之活法。學者欲為深造。端在此矣。

調胃承氣湯

治表解有汗裡熱不除胃因而不作解者

大黃

四兩

酒洗

甘草

二兩

芒硝

半斤

右三味以水三升先煮二味取一升去

滓內芒硝微煮令沸少溫服之。三承氣湯之立名而曰大者制大

調胃承氣湯

更衣丸

五

其服欲急下其邪也。小者制小其服。欲緩下其邪也。曰調胃者。則有調和承順胃氣之義。非若大小專攻下也。經曰。熱淫於內。治以鹹寒。火淫於內。治以苦寒。君大黃之苦寒。臣芒硝之鹹寒。二味並舉。攻熱瀉火之力備矣。更佐甘草之緩。調停於大黃芒硝之間。又少溫服之。使其力不峻。則不能速下而和也。

更衣丸

治津液不足。腸胃乾燥。大便不通。

硃砂

五錢研如飛麤

芦荟

七錢研細

用生

滴好酒少許。和丸每服一錢二分。好酒下。

柯琴曰。胃為後天之

本。不及固病。太過亦病。然太過亦有陽盛陰虛之別焉。兩陽合明而胃

家寔。仲景製三承氣湯以下之。三陽燥結而津液亡。前賢又製更衣丸

以潤之。古人入廁必更衣。故以此命名也。硃砂以汞為性。寒重墜下。

達。芦薈以液為質。味苦。膏潤。下滋。兼以大重大苦之性。味。能潤燥結。從上導下。而胃閥開矣。合以為丸。兩者相須。得效最宏。奏功甚捷。誠匪夷所思矣。

麻仁丸 又名脾約丸

治腸胃燥熱。大便秘結。小便數多。麻子一升

芍藥

枳實 各半斤

大黃 一斤 去皮

厚朴 一斤 去皮

杏仁 一斤 去皮 煎熱碾脂

石六

味為末。煉蜜為丸。桐子大。飲服十九日。三服漸加。以利為度。成無己曰。約者。約結之約。又約束也。經曰。飲入於胃。游溢精氣。上輸於脾。氣散精。上歸於肺。通調水道。下輸膀胱。水精四布。五經併行。今胃強脾弱。約束精液。不得四布。但輸膀胱。小便數而大便鞭。故曰脾約。麻仁甘平。而潤。杏仁甘溫而潤。經曰。脾欲緩。急食甘以緩之。本草曰。潤可去燥。是

麻仁丸

桃仁承氣湯

以麻仁為君。杏仁為臣。枳實破結。厚朴瀉滿。故以為佐。芍藥調中。大黃通下。故以為使。朱震亨曰。既云脾約血枯。火燔津竭。理宜瀉陰降火。津液自生。何秘之有。此方惟熱甚而稟寒者可用。熱微而虛者。愈致燥涸之苦矣。

桃仁承氣湯 治血結胸中。手不可近。或中焦蓄血。寒熱胸滿。漱水不欲

嚥。喜忘。昏迷如狂者。此方治敗血留經。通月事。桃仁五十个 去皮尖 桂枝

三兩 大黃四兩 芒硝 甘草各二兩 右五味以水七升煮取三升

半去滓。內芒硝。更上火微沸。下火。先食溫服五合。日三服。當微利。

抵當湯並丸 治傷寒蓄血。併治癥瘕。追虫攻毒。甚佳。水蛭三十個 熬

蠅虫三十个 熬 大黃三兩 桃仁三十个 去皮尖 右四味為散。以水五升

煮三升去滓溫服一升不下再服利為度

水蛭

二十个熬

蝱虫

廿五个熬去翅

桃仁

二十个去皮尖

大黃

三兩

右四味杵分為四丸以水一升煮一丸取

七合服晬時當下血若不下更服

柯琴曰膀胱為水府血本無所容

蓄者也少腹者膀胱之室也熱結鞭滿當小便不利而反利者是病不

在膀胱內而在少腹內也可知其隨經之滯血因瘀熱而結於少腹之

裏而非膀胱之裏也故小便雖利而鞭滿急結蓄血仍瘀於少腹也熱

淫於內神魂不安故發狂血瘀不行則滯不運故脉微而沉滯不運則

氣不宣故沉而結也滯氣不周於身則身黃消穀善飢者胃火熾盛也

大便反易者血之濡也色黑者蓄血滲入也善忘者血不滯智不明也

此皆瘀血之徵兆非至峻之利不足以抵其巢穴而當此重任故立抵

抵當湯並丸

當湯。蛭虫之善飲血者而利於水。蟲虫之善吮血者而猛於陸。並取水陸之善取血者以攻之。同氣相求。更佐桃仁之苦甘。推陳致新。大黃之苦寒。蕩滌邪熱。故名抵當也。若熱雖盛而未狂。少腹滿而未鞭。宜小其制。為丸以緩治之。若外症已解。少腹急結。其人如狂。是轉屬陽明。用調胃承氣。加桃仁桂枝之行血者於其中。以微利之。胃和則愈矣。此桃仁承氣為治之緩也。

附代抵當丸。大黃四兩。生地。歸尾。桃仁。穿山甲。玄明粉。

各兩。桂心。蜜丸。汪昂曰。前方水蛭即馬蝗。蚊。鹹寒有毒。乃食

血之虫。能通肝經聚血。最難死。雖灸為末。得水便活。若入腹中。生子為患。田泥和水飲下之。蟲虫即蚊虫。因其食血。故用以治血。二葯險峻。世